

Dornskridoù Milin : Kanaouennoù

## 80. AR SPILHEN

1. Ia, gant eul lomik gwin gwenn  
betek hanter va gweren,  
var bek eur spilhen e rafenn  
eur zon keit hak eur gwalen  
Chetu va lomik gwin eved  
chetu va zon komanset.

2. C'houi oll pere a ra spilhou  
hak ho renk ha gouchadou  
c'hui oll pere dre ar foariou  
ha ren, ha verz, ha brenn spilhou,  
Sikour, ... c'hoant a zo e rafenn  
eur zon var bek eur spilhen.

3. pourmenit dre ann oll broiou  
e pep leac'h euz pilhou<sup>o</sup> ° Komp. : spilhou  
Spilhou aour, spilhou arc'hant,  
Spilhou var alc'houes livet koant,  
ha spilhou braz ha spilhou krenn,  
spilhou du, spilhou melen.

4. E pep stad hak e pep amzer  
ar spilhou 'zo nesaser,  
d'ar varkizez, d'ar rouanez,  
d'ar baourez keaz artizanez  
enn noz kerkoulz hak enn deiz,  
her gosni, her iaouankiz.

5. Pa za Jannedik d'ann dansou  
raktal e klask he spilhou,  
enn he c'houef e laka peder,  
ha teir enn he mouchouer,  
enn he briniden e laka  
spilhou, spilhou hep kounta.

6. A vechou oll labour ann den  
e repand dioud eur spilhen  
enn he taouarn pa vez eunn dren  
e karfac'h he lamet souden  
gant petra e lamot eun dren  
nemet gant bek eur spilhen.

7. Karguet ar c'hornad ha taned  
mar tourm chetu c'hui nec'hed  
ma ne ro avel ho piben  
e chachit warnizi e ven  
petra ho lamo a anken  
nemed beguik eur spilen.

8. Eur chareter enn eur grec'hen  
pe skoliet enn eur voulejen  
gant petra en em zikouro  
na gant petra ec'h avanso  
hag he guezek hag he otre  
nemet gant bek eur spilhen.

9. Deac'h e veliz eur buguel  
o klask chaokat biguerniel,  
Paotrik, del; kemer eur spilen,  
ha goude-se gra evel-hen.  
holla! eme ar paotr louen,  
vive beguik ho spilen !

10. Na glaskit ket taboulinou  
da zevel paotredigou  
na da zevel skolaerien,  
chetu ama ar gwir voyen,  
plantit sioul enn ho fesken  
beguik, beguik eur spilen.

11. Eunn den o vont da besketa  
a ve fae braz gant-ha  
klask eur fuzuil pe eur zabren,  
petra a glasko-'ta va den ?  
eur prenvik pe eur gueillenen  
laket var bek eur spilen.

12. Mar chom gant ann dud a visiou  
ho buez hag ho madou  
a guement-se int dleourien  
alies da vek eur spilhen  
a chetu ama ar breuven  
vive beguik va spilen !

13. Enn noz ataket ti eunn den  
e kemer eur bistolen  
Chat: stouet eo toul ann oaled  
hen distouva eta 'zo red  
biken er meaz ne da he denn  
nemed gant bek eur spilhenn.

Dornskridoù Milin : Kanaouennoù( Ar spilhen )

14. Eur veac'h<sup>o</sup>m'hen deuz gant eur spilhen ° komp.:  
 distouvet toul ar c'hreunen ur wech  
 ec'h avanz hardi, hak e tenn...  
 al laeron spontet en em denn  
 he vuez 'ta hak he voyen  
 a dle da vek eur spilhen.

15. Evelse ne veler archer  
 fuzuiller na kanolier  
 n'ho defe stak gant eur chaden  
 oud ho habijou eur spilhen  
 hag eunn arme a gant mil den  
 a c'houlen kant mil spilhen.

16. Ann nadoz a zo demezel  
 ganed a lignez huel  
 c'hoant he defe da lavaret  
 e zec kar tost d'ar Vourbonet  
 he gouskoude e rank goulen  
 sikour oud bek eur spilen.

17. Al labourer, ar pinvidik  
 ann ertizan reuzeudik  
 ar jeneral er c'hombajou  
 ar roue e penn he stadou  
 e pep afer e klask pep den  
 tenna beguik he spilhen.

18. Eur c'halvez a raio eur c'har  
 eur c'hillorou, eunn alar,  
 mec evid ober eur spilhen  
 e zec red kaout tri zen  
 meur a hini a zreb bara  
 he c'houzont ket ann dra-ma.

19. Hunan a daill hed ar spilhen  
 he eun hak he c'hempenn  
 gant neud laiton enn dro d'he fenn  
 eunn all a ra eur gurunen  
 eunn all oud eur mean higolen  
 a lem beguik ar spilhen.

20. Evelse en em zivuzen  
 o rima var eur spilhen  
 bek e deuz, gwir eo, va spilen,  
 Mez ne biko den birviken  
 vive : eta evit bikenn  
 vive ! beguik va spilhen.

Mr le Roux ptre

vvvvvvvv

( Erwan-Mari ar Rouz a zo bet ganet d'an 29 a viz kerdu 1760 e Sant Tegoneg; beleg d'ar 24 a viz gwen-golo 1785, e voe anvet da berson e Komana d'ar 14 a viz eost 1789. E-pad an Dispac'h e klaskas repu e Jersey hag e Bro-Spagn. Distroet er vro gant ar C'honkordad e teu endro e Komana. Goude bezañ bet person Plouzevede e vo rener Sant Jozeb e Kastell-Paol. Roet e zilez gantañ d'an 19 a viz gouere 1836 e varvo e Sant Joseb d'an 23 a viz meurzh 1837. Douaret eo bet e Sant Tegoneg. Hiniennoù all eus e rimadelloù a zo en dornskridoù Ledan e Montroulez.)